



**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus XX. De Testibus & Attestationibus.

[urn:nbn:de:hbz:466:1-63440](https://nbn-resolving.de/urn:nbn:de:hbz:466:1-63440)

de vitando peccato, aut quando cum fama concur-
runt alia adminicula. per c. i i. de *Præsumpt.* Vid.
Masc. *concl.* 754. cit. ubi assert 32. tales casus.
Rumor minus probat, & serè suspicionem tantum,
& levem præsumptionem inducit. Sed quando
censetur fama legitimè probata? R. Si produca-
tur Instrumentum authenticum super fama ere-
ctum: vel testes saltem duo, omni exceptione ma-
iores, qui juratò testantur, se audivisse ita dici à ma-
jori parte communitatis, & saltem duas personas
nominativim exprimunt, à quibus audiverint, asse-
rentibus se vidisse, aut alia indicia rei adducentibus.
Masc. *conclus.* 750. 751. allegans alios. Ex quo ap-
paret, prorsus difficultem esse probationem famæ,

TITULUS XX.

De Testibus & Attestationibus.

SUMMARIUM.

1. *Testes, & Attestationes quid sint.*
2. *Quinam possint esse testes, & qui non.*
3. *Testes alioquin inhabiles quandoque admittun-
tur.*
4. *Quomodo produci, & recipi debeant testes.*
*Ubi de Articulis, interrogatoriis, & Examino
testium.*
5. *Prater testes etiam citari debent Partes.*
6. *Testes, antequam examinentur, debent jurare
regulariter.*
7. *Super quibus sint examinandi.*
8. *Quomodo debeant testificari.*

Ee §

9. Quar-

9. *Quarta productio testium non permittitur, immo nec secunda, postquam testimonia innotuerunt producenti testes.*
10. *Quando duo testes plenè probent: quid probat unus: quid testis de auditu.*
11. *Quid testes singulares.*
12. *An aliquid probet testis varians, & contrarius.*
13. *Exceptiones quæ sunt contra testes & eorum attestaciones.*

Prima & usitatisima probandi species fit per attestaciones testium: *testis autem judicialis ex c. i. h. t. definitur esse personam idoneam, quæ ad instantiam partis evocatur & examinatur à Judice ad faciendam fidem de re controversia.* Ut verò sit idonea, seu ad ferendum testimoniūm habilis, nec à Lege nec à Canone repellit debet. *l. 1. s. 1. ff. & c. i. h. t.* Unde testis idoneus à quibusdam vocatur etiam *omni exceptione major quamvis in rigore talis*, cui nulla prorsus exceptio opponi potest, supereret testem simpliciter habilem, tanquam *Comparativus Positivum gradum*. Testibus idoneis opponuntur inhabiles, qui sunt in dupli classe; aliqui enim ita sunt inhabiles, ut neque cum consensu Partium, contra illos non excipientium, testari valeant, uti excommunicati non tolerati: alii verò validè testificantur, si Partes contra ipsos non excipient, aut eos non repellant propter defectum alicujus qualitatis: ut si non excipient contra consanguineum pro consanguineo testificantem, vel si inimicum contra se admittant. *Attestaciones* sunt asseverationes seu depositiones testium super aliquo facto.

Dico

Dico I. Testis potest esse omnis, qui nullo Jure prohibetur. *l. 1. cit.* Prohibentur autem I. aliqui Jure Naturali, qui nempe laborant defectu mentis, uti infantes, fatui, furiosi extra tempora, quibus habent lucida intervalla. Impuberis & pupilli, si habeant sufficientem usum rationis, non quidem repelluntur Jure Naturali, regulariter tamen Jure Positivo propter immaturitatem Judicii. *l. 3. f. 5. ff. b. t.* Licet admittantur in contractu Matrimoniali, in criminibus exceptis, & puberes facti de iis, quæ in impubertate perceperunt. Puberes autem sen Minorennes admittuntur in causis Civilibus non admodum arduis, non vero in Criminibus ante completum annum 20. etatis. *l. 20. ff. eod.* nisi sint causæ difficilis probationis, ubi etiam impuberis admittuntur tam in Criminalibus quam in Civilibus. Jure Naturali prohibentur quoque ordinariè muti & surdi simul, quia ordinariè mentem suam explicare & intelligi satis nequeunt.

2dò prohibentur Jure Positivo I. cæci, qui rem solo auditu perceperunt. *can. 15. cauf. 3. q. 9.*
 2. Servi propriè dieti. *l. 7. ff. b. t. c. 10. de V.S.* Religiosi tamen his servis in hoc punto non sunt annumerandi, quia juxta c. 51. b. t. cum licentia Praælati licite, & sine illa validè testificantur. 3. Infames infamia Juris. *can 9. cauf. 3. q. 5. c. 13.* &
54. b. t. quales sunt histriones, adulteri, contrahentes incestuosas nuptias, polygami &c. per sententiam Judicis damnati tanquam fures, raptores &c. Lauterbach putat, de Jure Civili infames infamia Juris non arceri à ferendo testimonio; infames autem infamia facti, qui nempe rei notoriè
 qui-

quidem sunt criminis, cui tamen infamia à Jure non est annexa, aut condemnatio Judicis non intervenit, nec de Jure Canonico nec de Jure Civili, quamvis alii aliter sentiant. 4. Perjuri, et si per tentiam egerint. *can. 24. caus. 2. q. 7.* Farinac. alii. 5. Pecunia corrupti. *c. 1. & l. 3. citt.* uti & alii spectare fidei, inter quos censentur esse personae valde viles & pauperes. *can. 7. caus. 2. q. 1. l. 3. al.* nisi vita eorum & fama integra tollat suspicionem corruptionis, quae præsumitur ex nimia egestate & vilitate. *perc. 8. b. t.* 6. Excommunicati non tolerati. *c. 8. de sent.* *Excomm.* si verò tolerati sint, removentur solum ope exceptionis, *arg. c. 13. s.* 5. de hæret. in 6. Atque prædicti prohibentur absolute, alii econtra prohibentur solum in certis causis, vel pro- aut contra certas personas. Unde

3^{io} Prohibentur esse testes in certis causis. 1. Mulier in re feudali, & in testamento solenni: item de Jure Canonico in causis Criminalibus, ut habet communior cum gl. in *c. forus 10. de V.S.* in quo c. datur hæc ratio, quia varium & mutabile *testimonium semper fæmina producit*; quod restringitur ad causas Criminales, quia in Civilibus non admodum arduis etiam Jus Canonicum admittit fæminas. *c. 3. b. t.* Sicut Jus Civile *l. 18. ff. eod.* indistincte admittit. 2. Regulariter quilibet minor 20. annis in causis Criminalibus. 3. In iisdem, si agitur ad pœnam sanguinis, contra Reum Clerici & Religiosi. 4. Laicus contra Clericum in iisdem Criminalibus. *c. 14. eod.* si nempe Clerici testes haberi possint. 5. Actor vel Accusator in causa, super qua agit vel accusat, & Judex in causa, quam judicat. *Advocatus*, item procurator,

admis-

Administrator, negotiorum gestor, in causa, quam gerit, vel defendit. c. 6. x. & c. fin. eod. in 6. 6. Quilibet in causa propria. can. 38. caus. 2. q. 6. l. 10. ff. b.t. Quò etiam referas testem, qui est membrum communitatis, si ex ejus testimonio redundat commodum in singula communitatis membra, & non præcisè in utilitatem communitatis quâ talis: excipe tamen Clericos & Religiosos, qui in defectu aliorum testes esse possunt in causa suæ Ecclesiæ vel Monasterii. c. 12. 38. b.t. & c. 26. d. Jurejur. licet directè exinde commodum redundet in Ecclesiam &c. quia res Ecclesiæ & Monasterii revera non sunt singulorum.

4tò Prohibentur testari aliqui contra certas personas, uti 1. gravi laborans inimicitâ contra inimicum. 2. Libertus contra patronum, 3. Parentes contra liberos, & hi contra parentes, familiem contra invitatos; quò revoces etiam fratres & sorores contra se invicem, conjuges contra se, viratum contra privignum, sacerdotum contra generum, & vicissim, vasallum, & suo modo subditum, contra dominum; quia his personis deberunt specialis reverentia, amor, & concordia. 4. Advocatus contra clientem, Tutor & Curator contra pupillum & minorem suum, Administrator, Syndicus &c. contra suos principales in causis sibi commissis. arg. can. 3. caus. 4. q. 3. (ubi plurima circa testimoniū qualitates & fidem, quam faciunt, referuntur ex Jure Civili) & l. fin. ff. b.t. 5. Judæi, pagani, apostatae, item hæretici non-tolerati contra Christianos & Orthodoxos. can. 25. 26. caus. 2. q. 7. l. 21. C. dehæret. denique 6. Socius criminis contra socium, & quilibet de crimine convi-

ctus

Etus vel confessus contra alios, c. 10. & l. 11. C.
h.t. quia sunt infames infamia Juris, & suspecte
fidei.

1. Prohibentur aliqui pro certis personis testes
agere propter nimiam conjunctionem, & inde
tam suspicionem minus sincerae testificationis, ut
I. parentes & alii ascendentis, ac liberi, fratre
& sorores, conjuges, pro se invicem: item con-
sanguinei & affines propinquui pro se in causis Crim-
inalibus, & valde arduis Civilibus; in aliis
item causis non sunt testes omni exceptione ma-
iores, ita ut Judicis sit arbitrari, quantam fidem fi-
ciant; probant tamen in causa consanguinitati
vel ætatis, nisi inde redundet speciale commodum
in testificantes. 2. Domestici, non qualescumque,
sed quibus producens ratione potestatis domini-
tivæ vel gubernativæ imperare potest, uti famuli
& coloni mercenarii: item subditi pro domino
suo, nisi prius (quoad actum præsentem) solvan-
tur juramentō subjectionis, & non agatur de pro-
prio eorum commodo: idem est de Officialibus
Principiis &c. si nempe illi vel isti iniquam ven-
tionem propter datum liberum testimonium me-
tuere possint. 3. Socius tam contractus quam
criminis pro socio. 4. Singulariter amicus pro
amico. Sumuntur hæc ex can. 1. 12. caus. 3. q. 3.
can. 3. caus. 4. q. 3. l. 3. 6. 24. ff. l. 9. C. h.t.

3 Quæres, an prædicti testes inhabiles, vel minus
idonei, nunquam admitti possint vel soleant ad
aliquid probandum? &c. si sint Jure Naturali in-
habiles, nunquam, ut clarum est: si Jure Hu-
mano, Lege vel Canone, admitti possunt ac solent
in sequentibus casibus. 1. quando veritas alter
haberi

haberi nequit. 2. quando agitur de peccato vi-
tando, v. g. de impediendo Matrimonio propter
suspicionem impedimenti. 3. in criminalibus ex-
ceptis, atrocibus, & valde perniciosis, uti est cri-
men læsæ Majestatis, Simoniæ, hæresis &c. 4. si
deponant pro innocentia Rei in criminalibus. 5.
si deponant contra producentem. 6. si à Partibus
rogentur, & sic approbentur positivè. vel 7. si
approbentur negativè, h. e. nec à Parte, contra
quam producuntur, nec à Judice repellantur. 8. si
procedatur Summariè, & probationes non ex-
actæ requirantur de Jure, DD. passim, & Greneck
in suo egregio *Examine Juris Canonici b. t. n. 9.*
necitato, qui insuper notant, pleniusque Judicis
arbitrio committendum esse, an & quantam fidem
in his casibus mereatur testis alias inhabilis, aut
missus idoneus, ut adeò defectus suppleri possit
numerò, gravitate vel excellentiâ contestis, con-
jecturis & præsumptionibus &c. Notat insuper
P. Streinius p. 3. tit. V. §. 1. n. 4. *in fine* cum Zy-
pao & Vallense, moribus hodie receptum esse, ut
neminem testari volentem Judex repellat, quia
nimurum expedit ad bonorum securitatem, &
malorum oppressionem, ut quacunque via & mo-
do noxæ detegantur & abigantur. c. 35. *de Sent.*
Excom. Ipsius deia erit dispicere, quid fidei de-
beat tribuere.

Dico 2. Ut testes legitimè producantur, & re-
cipiantur, atque per eos fiat probatio, observan-
da ex communi praxi & sensu DD. sunt sequentia.
Actor ex articulis positionalibus, seu ex positio-
nibus à Reo negatis, format articulos, quos vo-
cant *probatoriales*, seu *positiones*, ex quibus tan-
quam

quam præmissis veris conatur deducere, quod sibi probandum est, per verba, *wahr* / v. g. das Gegentheil umb dise Zeit in meinem Hauß gewesen sc. & his articulis in ordinem positis prægit certos numeros: tum denominat personam testium, quos ad probandos articulos intendit producere, & quia ordinariè non omnes & singuli testes notitiam habent, nec audiri possum de omnibus articulis, hinc specificat articulos super quibus unumquemque testium cupit audi, v. g. super articulo 1. 2. 3. Cajum & Mævium, super 4. & 5. Sempronium & Tit. am, &c. super 6. 9. 11. eundem Cajum & Mævium &c. que specificatio appellatur *denominatio testium cum directorio*, quia dirigit Judicem in Examine testimoniis insituendo. Postmodum hi articuli cum denominatione testium & directorio exhibentur Judici, & ab hoc communicantur Reo, non tantum ut iste possit excipere contra personas testimoniis & articulos, si exceptionem se habere credit (relicta interim Judici potestate statim admittendi probationem exceptionis, vel, dilata probatione usque post publicationem attestatum, prius examinandi testes c. 7. b.t.) sed etiam ut *interrogatoria* (seu certas quæstiones) quaestibns à Judice proponantur circa factum ejusque circumstantias, ponere, & iis, quæ Judex ipse fortassis format, addere possit ad dignoscendum, & eum in finem, ut appareat, an testes consequenter loquantur, ut causam sui dicti reddant, vel ut deprehendatur subornatio: & haec interrogatoria non communicantur producenti testes, ne istos circa illa instruere vel subornare

quod sibi
das Ge
us gene
is praef
personu
intend
es & fo
i possum
rticulos,
it audi
Mævium,
c. super
cc. que
um com
ne testi
uli com
exhiben
co, non
onas te
ere cre
n admitt
ata pro
testatio
d etiam
qua re
ejusque
lex ipse
noscen
n testes
cti red
& hac
lacenti
ornate
va-

valeat, imò nec testibus ante examen, ne collu
dant.

His præmissis citantur testes, & in præsentia
utriusque Partis, quæ citari necessariò debet ad
videndum jurare testes. c. 2. b. t. jurant de verita
te dicenda: tum vel à Judice, vel ab alio, cui Ju
dex committit, examinantur & audiuntur singuli
seorsim & secretò super interrogatoriis & articu
lis, eorum dicta inferuntur Protocollo, rursus ipsis
præleguntur, ut fortè inconsideratus dicta corri
gere possint, & in fine ipsis imponitur silentium,
id est, monentur, ne evulgent, quid interrogati
responderint. Absoluto examine protocollum,
quod hic appellatur *Rotulus Examinis* (*Zeugen
Sag*) clauditur sigillis Commissariorum (si per
Commissarios examen testium fuit institutum) &
traditur Judici deleganti: qui illud publicat, nen
i-pe Attestationes, & utrique Parti petenti copiam
concedit, ut utraque videat, quid pro vel contra se
deposituerint testes; nam ex his attestationibus
Actor desumit suas probationes, easque in scri
pto, quod vocant *die Probations-Schrifft* vel
Rechtliche Deduction, Judici exhibet: Reus
etiam notat ea, quæ pro se faciunt, præsertim cir
ca personas & dicta testium, ut postea in seiner
Reprobations-Schrifft illa Actori opponere pos
sit. Contra hoc potest Actor replicare, & porti
gere *die Salvations-Schrifft*. Cœterum cum
subinde contingat, ut etiam Reus, ex confidentia
causæ, innocentiam suam ex superabundanti pro
bare velit, etiam ipse similiter formare debet arti
culos, qui dicuntur *Reprobatoriales* vel *Defen
sionales*, quia contra Actorem probat, & ejus

Pars I.

Ff

in-

intentionem reprobat, denominare testes cum directorio, & alia observare, quæ de Actore articulos probatoriales ponente diximus. Quidam Pars post productionem testium dubitet, an per exhibitos articulos causam suam sufficienter probaverit, potest exhibere novos articulos, qui non minantur *Additionales*, modò elogia testium præius non fuerint publicata, vel didicita à Parte. Hæc ut melius intelligantur,

§ Dico 3. Præter citationem testium specialiter necessaria quoque est citatio Partium, prout ja insinuavi, ut vident testes jurare & recipi, in aliis examen testium esset nullum. text. & *DD. in c. 2. h. t. cit.* Si autem aliquis testium non foret sub jurisdictione Judicis, per litteras *mutu comparsis*, ut vocant, deberet Judex requiri illius Superiorem, ut vel mittat testem ad locum motæ litis, vel ipse examinet super articulis & interrogatoriis formatis, illiusque depositionem sigillō suo munitam communicet Judici motæ litis.

¶ Dico 4. Juramentum testium ante depositiōnem regulariter adeò necessarium est, ut absque eo nullam in Judicio faciant fidem in præjudicium alterius. *c. 5. 17. 29. 39. 51. l. 9. & 18. C. b. t.* et si testis esset Clericus vel Religiosus: & licet causa tractetur summarie, ut notat Myns. *cent. 3. observ. 80. n. 3.* cum Imola &c. Nisi nempe unusque Partis consensu, expresso vel tacito, remittatur testibus juramentum. *c. 39. cit. & arg. c. ad Apostolicam. de Regular.* Vel nisi testes forent tales, quibus ex consuetudine non solet injungiri rum juramentum & formale, quales in Germania sunt personæ Illustres, & in dignitate constitutæ.

q. 2

quæ appellantur *egregia*; harum enim depositio
valet sub *fide nobilitatis*, aut *statu sui*, licet non
compareant in Judicio, sed solum in scripto sic
testentur. Gail. l. 1. observ. 101. n. 14. Jurant
autem testes tactis Evangeliis; Episcopi & Sacer-
dotes tacto pectori, positis tamen ante conspe-
cum Evangeliis. Apud Germanos consuetudo
habet, ut testes non tangant Evangelium, vel alias
Scripturas Sacras, sed ut mares erectis duobus di-
gitis anterioribus (si foeminæ sint, manu dextera
super sinistram pectoris partem positâ) jurent, ac
dicant: *Sic me DEUS, adjuvet & omnes Sancti*
ejus: vel *Sanctum ejus Evangelium*. Clerici ta-
men & Religiosi non coram *Judice Laico*, si ab
hoc petitur testimonium, sed coram suo Episcopo
vel Prælato, aut cui is commiserit, jurant, *can. 2.*
cus. 14. q. 2.

Objic. I. Juramentum testium est introductum
Jure Communi; ergo remitti à Partibus non po-
test. 2. In c. 39. b. t. ubi permittitur remissio ju-
ramenti, solum fit mentio Adversarii: ergo non
requiritur consensus utriusque Partis, ut nos dixi-
mus. R. ad 1. *dist.* Antec. est introductum Jure
Communi, regulariter tamen & immediatè in fa-
vorem Partium. C. *Ant.* in & ob favorem publi-
cum, cui privati renuntiare non possint. N. *Ant.*
& *Cons.* In causis tamen Matrimonialibus & Spi-
ritualibus, ubi periculum animæ, item in Crimina-
libus criminaliter intentatis, ubi bonum publicum
vertitur, Partes remittere hoc juramentum ne-
queunt. Ad 2. Etsi tantum fiat expressa mentio
Adversarii, quia tamen in illo casu jam fuit præ-
sens, qui voluit producere testes sine juramento,

Ff 2

plus

plus non requiritur, quām ut & Adversarius co-
sentiret; sic enim jam viriusque Partis conser-
interveniebat.

7. Dico 5. Præstito juramento examinandi
testes singillatim & secretò de Interrogatorii
Articulis, inchoando à generalibus, & paulatim
ad magis particularia descendendo, nempe
cujus nominis. 2. ætatis. 3. conditionis
testis. 4. an non consanguineus. 5. vel iniunctus
adversæ partis. 6. an non subornatus. 7. non co-
venerit cum aliis testibus de eo, quod velint dicere.
8. an aliquod emolumenntum speret ex ea
controversa. 9. cui Parti optet victoriam. De
quoad factum & circumstantias illius 10. an fin
v. g. delictum esse commissum: quale: à quo
quando: quo modo. demum 11. an sciat, vel si
lum credat: unde sciat (ut causam reddat sui d
eti) nempe an viderit ipse, vel tantum audierit
&c. Cujusmodi interrogatoria ponit Judex, re
eius Commissarius ad examen testimoniū delegatus
vel Pars, contra quam producuntur testes. Judex
tamen & interrogans debet abstinere ab interro
gatoriis *Suggestivis*, quibus quasi suggestit, prave
nit, indicat, quid testis respondere debeat. 11.
qui *quaestione* 21. ff. de *quaestione*. Caveri quoque
debent impertinentia & superflua, cujusmodi illi
Parte essent formata, à Judice rejici, sicut suppleri
debent utilia, quæ à Parte non sunt posita.

8. Dico 6. Testes debent deponere *viva voce*,
non per scripturam vel alia indicia, nisi sint val-
itudinarii, aut personæ egregiæ, ad quas, si Judex
nolit accedere, vel id non deceat, Notarium vel
alios viros idoneos mittere debet, ut domi sua
sub

sub juramento, vel sub fide Nobili, testificantur; in modo possunt suas depositiones suò sigillò & subscriptione munitas mittere ad Judicem. Ratio, quia ex voce trepidante, vultu, gestu, multum defumis subinde potest. Unde l. 3. s. 3. ff. b. t. dicitur, *non testimonii, sed testibus credendum.* Concordat. c. 8. de cohabit. Cler. & mul. c. 37. & l. 4. C. b. t. Debent item deponere clare, non dubitativè, v. g. per verbum puto, videtur, nisi fallor; talis enim depositio non probat, nisi negotium ius se obscurum sit, vel alia probatio haberi nequeat. Præterea debent dare causam sui testimonii, id est, indicare, quo modo, & quo sensu corporeo, visu vel auditu vel utroque, rem sciant. Quod si tamen nec Judex interroget, nec Pars interrogari petat testem super causa sui testimonii, credendum est etiam causam non redditivi, nisi deponat in causa Criminali ad condemnandum Reum, vel super negativa probanda, vel super re, quæ sensu corporeo non percipitur, ut est nobilitas, dominium, jurisdictio, bona existimatio &c.

Dico 7. Testes, sive iidem sive novi, super iisdem articulis non possunt produci nisi secunda & tertia vice; nam quarta produc[t]io, nisi fiat ex iusta causa, & producere volens juret, quod depositiones testium nec subtraxerit, nec didicerit, nec malitiosè novam productionem petat. 2. Post publicationem vero attestacionum, aut postquam didicita seu intellecta jam sunt à producente testimonia, regulariter etiam altera produc[t]io & receptio testium super iisdem articulis, vel directe contrariis, non conceditur propter periculum, ne producens subornet testes, ut v. g. aliquid ad-

Ff 3

dant,

dant, vel demandant suæ depositioni. Pars 1. habet
tur c. 15. 36. 46. b.t. Nov. 90.c.4. Pars posse
rior c. 46. & Nov. citt. & maximè Clem. 2. h.t.
Addidi regulariter; nam etiam post publicatio-
nem attestationum (quæ est publica prælectio de-
positionum in Judicio, & fieri debet, postquam
Partes ulteriori testimoniis productioni renuntiārum
ac citatis Partibus) vel post didicitas depositiones
licet producere aut recipere testes de novo 1. a
consensu utriusque Partis. 2. Ex speciali fac-
tate Principis. 3. Quando aliquis testis spon-
compárēt, & asserit, se nunc melius recordari
peractæ. 4. Quando prius examen perpen-
factum, vel ullum fuit. 5. In causa Matrimoni-
ali ob periculum peccati, & quoties post condi-
tionem in causa admittuntur adhuc testes, aut
quando post latam sententiam non datur exceptio
rei judicatae. Abb. Fel. Host. Farinac.

10 Dico 8. Duo testes, omni exceptione majo-
res, vel idonei, de veritate & proprio sensu depo-
nentes, ordinariè plenam faciunt fidem, ita ut
sententia desuper ferri possit ac debeat. can. 3.
caus. 2. q. 5. ibi: testimonio duorum vel trium te-
stimoniis quilibet Jure convinci & damnari poterit.
Conspirat c. 4. 10. 24. b.t. & Jus Divinum Deut.
17. 19. Matth. 18. Luc. 17. verbis: in ore duorū
rum vel trium peribit. item: in ore duorum vel tri-
um stat omne verbum. Dixi 1. duo testes, nempe
non pauciores; nam unus testis, cuiuscunque si
excellentiæ, regulariter solum semiplenè probat
per c. 10. 23. 28. & l. 9. C. b. t. Uude illud vul-
gatum: unus testis, nullus testis, scilicet ad plenè
probandum ordinariè; excipiuntur tamen cau-

levi-

leviores, & ubi non agitur de præjudicio tertii,
vel agitur de impediendo peccato, & nulli ad-
huc jus est quæsumum, & ubi testis deponit in iis
quæ pertinent ad ejus officium, v. g. Officialis
publicus & juratus in rebus ad officium pertinen-
tibus, Chirurgus vel Medicus in dubio, an vulnus
sit lethale &c. In his enim casibus plenè probat
unus testis, uti & si Papa, vel Imperator, vel alii
Principes Superiorem non recognoscentes de fa-
cto proprio testantur, vel si versamur in antiquis,
& alia probatio haberi non potest, aut si aliæ
conjecturæ, præsumptiones, juramentum supple-
torium &c. accedat. Possunt tamen & solent
pro quibusdam casibus à Jure plures testes, quām
duo, requiri: sic in testamento solenni requirun-
tur septem, & in Matrimoniali contractu duo vel
tres testes præter Parochum. Dixi 2. *de verita-*
te deponentes; nam deponentes *de credulitate*,
per verbum *credo*, vel, *non credo* ita contigisse,
regulariter non probant. Communis ex c. 5. h.t.
nisi nempe deponant contra producentem, vel
nisi sit causa, in qua sufficit probatio præsumptiva
& minus concludens, vel quando credulitas est
proxima sensui propter circumstantias, & ipsum
factum ordinariè non potest percipi visu &c. ut
in adulteriis, vel quando testis reddit rationem
suz credulitatis, vel testatur de re ad officium,
vel artem suam pertinente, ac universim quando
sufficit testis ex auditu alieno. Dixi 3. *de sensu*
proprio, nempe de visu, vel de auditu proprio
ac immediato, si res sit auditu perceptibilis. Su-
mitur ex c. 2. *de consuet.* In teste testamentarie,
& quando agitur ad condemnandum in Crimina,

libus, vel ad dissolvendum Matrimonium, præ auditum proprium requiritur etiam, ut testis vide rit personam loquentem, ut ut alijs noverit personam ex voce: secus nec semiplenè probat. Testis autem de auditu alieno, & testis ex auditu auditus, ut loquuntur, h. e. afferens, se audivisse ab aliis fide dignis, qui dixerunt, se vidisse, vel audivisse immediate, regulariter non probat, sed et sumnum in Civilibus facit indicium & aliquam probationem. Communis ex c. 33. b. t. probatum, si illi, à quibus audivit, jam sunt morti, 1. in factis antiquis, ubi est difficultas vel impossibilitas aliter probandi. 2. Quando deponit contra producentem. 3. Quando agitur ad defensionem Rei. 4. Quando causa est difficilis probatornis, saltem si concurrentia adminicula. 5. Quando sufficiunt conjecturæ & præsumptiones. vid. Tuschus litt. T. concl. 180. Myns. cent. 6. obs. 5.

II Quæres, quid sint testes singulares, & an aliquid probent? R. I. testes singulares dicuntur, qui non conspirant, sed deponunt vel super factis diversis, vel super eodem quidem, sed ita, ut quilibet in suo testimonio sit singularis quoad locum, tempus, vel aliam circumstantiam, vel ut quilibet super eo, quod dicit, sit unus solus. Si unus testis repugnat alteri, v. g. si unus idem delictum, non successivum, afferat contigisse in hoc, alias in alio loco, unus hoc tempore, alias alio &c. est singularitas obstativa. Si sibi non repugnant, sed deponunt quidem de diversis actibus, at non contrariis, nec tamen se invicem adjuvantibus, v. g. si unus dicat, mutuum esse datum Monachii, alter ingolstadii, quia utrobique potuit esse

esse datum, nuncupatur *singularitas diversificata*. Si denique deponunt de diversis quidem actibus, mutuo tamen adjuvantibus ad probandum id, de quo controvertitur, v.g. si unus testetur, Titum abstulisse equum, alter vero se adivisile Titum confitentem, quod abstulerit equum: vel, quando agitur de probanda possessione agri, si unus dicat, se Titum vidisse arantem, alius se vidisse messes colligentem in eodem agro, vocatur *singularitas adminiculativa seu cumulativa*. Testes singulares non faciunt numerum testimoniū, & opponuntur *contestibus*, qui testantur super eodem facto, iisdemque circumstantiis, & concordant. R. 2. testes singulares *singularitate obstativa* nihil probant; quia unus evertit dictum alterius, ac melius est, unum profere habere testem, quam plures sibi repugnantes. Testes singulares *singularitate diversificativa* faciunt semiplenam probationem, sicut unus testis. per c. 9. de probat. & c. 32. b. t. quia talis testis singularis, quia ab alio non enervatur ejus testimonium, meretur fidei, quam meretur unus testis; quia vero contestes circa idem factum non habet; plenè non probat. Testes singulares *singularitate adminiculativa*, quod actus est successivus, vel plures habet partes integrales, plenam efficiunt probationem in Civilibus non valde arduis. per l. 16. C. de pœnis; quia tales testes concordant respectu ejusdem finis, ad quem tendunt per diversa media, adeoque non tam singulares, quam contestes dicendi sunt.

Potes, qui dicatur testis *varians*, & *contrarius*, quidque probent? R. 1. testis *varians*,

Ff 5 seu

seu *varius* est, qui in dicto suo non stat firmus, sed *varia* dicit ac diversa, non tamen contraria directè. *Contrarius* verò *sibi ipsi*, qui dire. Etè contraria & inter se pugnantia deponit. Qui autem aliis testibus contraria edicit, est *contrarius respectu aliorum*. Resp. 2. *Testis varians*, si contraria deponit, nempe in hoc Judicio istud, & in alio Judicio aut examine contrarium, juxta aliquos apud Myns. cent. 2. ob serv. 86. nihil probat: juxta alias probat secundùm primam depositionem. per c. 10. de probat. quamvis hæc probatio multùm minuatur per alteram testificationem diversam: si tamen hanc secundam ficeret juratus, primam non juratus; vel si allegaret errorem in prima depositione, eumque probaret, vel secundam depositionem presumptio vel aliud adminiculum reddere verisimiliorem, probaret secundùm secundam. R. 3. *Testis sibi contrarius* nihil probat. c. 54. in fin. de ap pellat. imò tanquam perjurus arbitrariè puniendus est. l. 16. ff. h. t. *Contrarius* aliis tunc probat quando aliis testibus, vel adminiculis ita adjuvatur, ut cum his fortiorem & verisimiliorem fidem merito faciat, quām testes contrarii. per c. 9. & c. 32. citt.

13 Dico 9. Exceptiones variæ opponi possunt testibus. 1. Contra eorum *personas* quòd nempe non sint legales, de quo videatur assertio prima. 2. Contra *examen* earum, quòd nempe ad id non sit citata Pars adversa, quòd deposuerint non jurati, non singillatim, non secretò &c. 3. Contra eorum *dicta*, quòd sint contraria, non verisimilia, non satis clara, de auditu alieno tantùm, de credulitate tantùm, quod causam scien-

tiz

tie non expresserint, quod in suis dictis sint singulares &c. Contra personas testium post eorum receptionem, & à fortiori post attestacionum publicationem non licet amplius excipere producenti testes, nisi nempe ex postfacto primum emerserit, vel innotuerit causa suspicionis, & hoc probaretur per juramentum; vel nisi expressè ante examen sibi Pars reservarit exceptiones contra personas testium l. 17. C. b. t. quia producendo (nam Pars *producit*, Judex autem *recipit* testes, eos jurare faciens & audiens) censetur approbatæ personas testium tanquam habiles: quod autem semel placuit, amplius displicere non potest. c. 21. de R. f. in 6. Idem dic de altera Parte, quæ debito tempore nihil opposuit contra personas testium. *Objic.* exceptiones peremptoriae possunt opponi quocunque tempore, modò id fiat ante sententiam definitivam. l. 2. C. sent. rescind. non poss. Sed exceptio contra testes est peremptoria: ergo. *R. dist. ma.* quæ spectant immediate causam principalem. *C. ma.* quæ incidentem, ut quæ opponitur testibus. *N. ma.* Dein etiam *min.* est falsa; nam exceptio contra testes nec est peremptoria, cum non sit actionis exclusio, nec propriè dilatoria, quia post litem contestatam opponi potest; sed participat de utraque, & solùm indirectè perimit intentionem Actoris. Cœterū tantum una & altera reprobatio testium probatoriorum admittitur per testes reprobatorios, & horum per alios reprobatorios, non verò tertia vel ulterior, ne procedatur in infinitum. Denique observa, testes producendos esse sumptibus producentis; quamvis enim pro ipso testi-

testimonio veritatis nihil exigi possit, vel dari debat, sumptus tamen itineris, & compensatio lucri cessantis ex omisso labore &c. exigi à testibus possunt; quia officium suum nemini debet esse damnosum, ut habet Regula Juris.

TITULUS XXI.

De Testibus cogendis, vel non.

SUMMARIUM.

1. *An testes cogi possint ad testificandum.*
2. 3. *An etiam in Criminalibus.*

QUia subinde contingit, ut nominati ab alterutra Parte testes, & requisiti ad testificandum, testari tamen nolint, ideo
I Dico 1. Testes ad testificandum regulariter, si non sint privilegiati, cogi possunt in causis Civilibus de utroque Jure, et si juramentō se adstrinxissent ad non testificandum, prævia tamen monitione. Text. & DD. in c. 1. seqq. b. t. l. 16. & 19.
C. de testib. Ratio, quia Reipublicæ interest veritatem in Judicio non occultari, sed manifestari. Dixi 1. regulariter; nam ad testificandum super eo, quod quis novit sub sigillo Sacramentali (mirum ex confessione peccatorum ordinata ad impetrandam absolutionem) utique nemo cogi potest: item quod quis novit sub secreto naturali, puta si vel modō injustō notitiam acquisivit, vel justō quidem, sed tacite aut expressè pronuisit al-

teri,